

---



## **4. Beneficios fiscais de ámbito galego**

---



As medidas fiscais de apoio ás familias establécense a nivel do Estado e das CC.AA. Desta maneira, tanto no tramo autonómico do IRPF coma no tramo estatal, establécense unha serie de deducións destinadas ás familias que se expoñen nos apartados 4 e 5 desta guía.

Neste apartado, tamén se recollen os beneficios existentes no Imposto sobre Sucesións e Doazóns e no Imposto sobre Transmisións Patrimoniais e Actos Xurídicos Documentados, para as familias que deban tributar en Galicia.

## A. IMPOSTO SOBRE A RENDA DAS PERSOAS FÍSICAS

### 4.1. Dedución fiscal por nacemento ou adopción de fillas ou fillos

#### *Que é?*

Dedución sobre a parte autonómica da cota íntegra, que calquera persoa residente na Comunidade Autónoma de Galicia pode practicar por cada filla ou fillo nada ou nado ou adoptada ou adoptado no período impositivo e que conviva co contribuínte na data de devengo do imposto.

#### *Cal é o importe a deducir?*

Pódese deducir da parte autonómica da cota íntegra do imposto:

<b>Parto/adopción normal</b>	300 € sen límite de ingresos
<b>Parto/adopción múltiple</b>	360 € sen límite de ingresos

#### *Cantos períodos impositivos pode realizarse esta dedución?*

Esténdese aos dous períodos impositivos seguintes ao de nacemento ou adopción, sempre que a filla ou fillo conviva co contribuínte na data de devengo do imposto, segundo ás seguintes contías e límites da renda:

<b>Base minorada entre 22.001 € e 31.000 €</b>	300 €
<b>Base minorada ≤ 22.000 €</b>	360 €

Cando as fillas ou fillos que dean dereito á dedución convivan con ambos proxenitores ou adoptantes, a dedución practícarase por partes iguais na declaración de cada un deles.

### ***Atención e asesoramento***

Agencia Estatal de Administración Tributaria

Tel.: 901.200.345 / 901.335.533

<http://www.aeat.es>

<http://www.agenciatributaria.es>

## **4.2. Dedución por coidado de fillas ou fillos de tres ou menos anos de idade**

### ***Que é?***

É unha dedución que poden practicar as persoas contribuíntes, que por motivos de traballo por conta propia ou allea, teñan que deixar as súas fillas ou os seus fillos menores ao coidado dunha persoa que teña a condición de empregada do fogar ou en escolas infantís 0-3 anos. Cando mais dunha persoa contribuínte teña dereito á aplicación desta dedución, o seu importe ratearase entre elas.

### ***Cal é o importe a deducir?***

Poderanse deducir o 30% das cantidades satisfeitas no período, co límite máximo de 200 euros.

### ***Que requisitos se deben cumprir?***

- Que as fillas ou fillos convivan coa persoa contribuínte e teñan tres ou menos anos de idade no momento do devengo do imposto.
- Que ambos proxenitores realicen unha actividade por conta propia ou allea e estean dados de alta no correspondente réxime da Seguridade Social ou Mutualidade.
- Que no suposto de que a dedución sexa aplicable por gastos dunha persoa empregada do fogar, esta estea dada de alta no réxime especial de empregadas ou empregados do fogar da Seguridade Social.
- Que a base impoñible total minorada no mínimo persoal e familiar non exceda de 22.000 € en declaración individual e 31.000 € en declaración conxunta.

**Atención e asesoramento**

Agencia Estatal de Administración Tributaria

Tel.: 901.200.345 / 901.335.533

<http://www.aeat.es>

<http://www.agenciatributaria.es>

**4.3. Deducción por familia numerosa**

**Que é?**

É unha dedución á que se poden acoller as persoas contribuíntes que teñan o título de familias numerosa en vigor na data de devengo do imposto.

**Cal é o importe a deducir?**

Para as de categoría xeral	250 €
Para as de categoría especial	400 €

Cando algunha ou algún dos cónxuxes ou descendentes ás/aos que lles sexa aplicable o mínimo persoal e familiar do imposto teña un grao de discapacidade igual ou superior ao 65%, a dedución anterior será de 500 e 800 euros respectivamente.

**Atención e asesoramento**

Agencia Estatal de Administración Tributaria

Tel.: 901.200.345 / 901.335.533

<http://www.aeat.es>

<http://www.agenciatributaria.es>

#### **4.4. Dedución por contribuíntes con discapacidade, de idade igual ou superior a 65 anos, que precisen a axuda de terceiras persoas**

##### ***Que é?***

Unha dedución para as persoas contribuíntes de idade igual ou superior a 65 anos afectadas por un grao de discapacidade igual ou superior ao 65% e que acrediten a necesidade de axuda de terceiras persoas.

##### ***Cal é o importe a deducir?***

Poderán deducir o 10% das cantidades satisfeitas a terceiras persoas encargadas da súa atención, cun límite máximo de 600 €.

##### ***Que requisitos se deben cumprir?***

- Que a base impoñible minorada no mínimo persoal e familiar, non debe exceder de 22.000 € en tributación individual e de 31.000 € en declaración conxunta.
- Que a persoa contribuínte non faga uso das residencias públicas ou concertadas da Comunidade Autónoma de Galicia ou se beneficie do cheque asistencial da Xunta de Galicia.

##### ***Atención e asesoramento***

Agencia Estatal de Administración Tributaria

Tel.: 901.200.345 / 901.335.533

<http://www.aeat.es>

<http://www.agenciatributaria.es>

#### **4.5. Dedución por gastos dirixidos ao emprego de novas tecnoloxías nos fogares galegos**

##### ***Que é?***

É unha dedución que poderán facer as persoas contribuíntes que accedan durante o período impositivo a Internet mediante a contratación de liñas de alta velocidade.

***Cal é o importe a deducir?***

Poderán deducir o 30% das cantidades satisfeitas no concepto de cota de alta e cotas mensuais, cun límite máximo de 100 euros.

***Que requisitos se deben cumprir?***

- Só poderá aplicarse no exercicio no que se subscribe o contrato de conexión ás liñas de alta velocidade.
- A liña de alta velocidade contratada estará destinada ao uso exclusivo do fogar e non estará vinculada ao exercicio de calquera actividade empresarial ou profesional.
- Non será aplicable se o contrato de conexión supón simplemente un cambio de compañía prestadora do servizo e o contrato coa compañía anterior se realizou noutro exercicio.
- Non será aplicable cando se contrate a conexión a unha liña de alta velocidade e a persoa contribuínte manteña, asemade, outras liñas contratadas en exercicios anteriores.
- O límite máximo da dedución aplícase respecto de todas as cantidades satisfeitas durante o exercicio, ben correspondan a un só contrato de conexión ou ben a varios que se manteñan simultaneamente.
- No caso de matrimonios en réxime de gananciais, para calcular o importe máximo da dedución aplicable a cada cónxuxe en tributación individual, ratease tanto o importe satisfeito como o límite máximo da dedución.

***Atención e asesoramento***

Agencia Estatal de Administración Tributaria

Tel.: 901.200.345 / 901.335.533

<http://www.aeat.es>

<http://www.agenciatributaria.es>

#### 4.6. Dedución por aluguer de vivenda habitual

##### *Que é?*

É unha dedución do 10% das cantidades satisfeitas ao longo do período impositivo en concepto de aluguer da vivenda habitual, cun límite de 300 € por contrato de aluguer.

##### *Que requisitos se deben cumprir?*

- A persoa debe ter 35 anos ou menos na data de devengo do imposto.
- contrato de aluguer debe ser posterior ao 1 de xaneiro de 2003.
- Deberase ter constituído o depósito da fianza a que se refire o artigo 36.1 da Lei 29/1994, de arrendamentos urbanos, no Instituto Galego da Vivenda e Solo.
- A base imponible non debe superar os 22.000 €.
- Cando dúas persoas teñan dereito a aplicación da dedución, o importe da mesma ratease por partes iguais na declaración de cada unha delas.
- No suposto de matrimonios en réxime de gananciais a dedución corresponderá a ambos cónxuxes por partes iguais, aínda que o contrato de aluguer estea só a nome dun deles.
- No caso de tributación conxunta o requisito de idade haberá de cumprilo, como mínimo, un dos cónxuxes ou, no seu caso, a nai ou o pai.

##### *Atención e asesoramento*

Agencia Estatal de Administración Tributaria

Tel.: 901.200.345 / 901.335.533

<http://www.aeat.es>

<http://www.agenciatributaria.es>

#### 4.7. Dedución para o fomento do autoemprego

##### *Que é?*

É unha dedución de 300 € para as mulleres e os homes de calquera idade, que causen alta no censo de persoas empresarias, profesionais e retedoras, por primeira vez, durante o período impositivo e manteñan a dita situación durante o ano natural, sempre que desenvolvan a súa actividade no territorio da Comunidade Autónoma de Galicia.

##### *Atención e asesoramento*

Agencia Estatal de Administración Tributaria

Tel.: 901.200.345 / 901.335.533

<http://www.aeat.es>

<http://www.agenciatributaria.es>

## B. IMPOSTO SOBRE SUCESIÓN E DOAZÓN

##### *Que é?*

É un tributo que grava os incrementos patrimoniais obtidos a título lucrativo por persoas físicas, normalmente como consecuencia de herdanzas e doazóns, así como dos seguros de vida nos que o contratante sexa persoa distinta ao beneficiario.

##### *É incompatible con outros impostos?*

Este tributo é incompatible co imposto sobre a renda das persoas físicas, polo que a renda gravada polo imposto de sucesións non se sometera ao IRPF.

##### *Cales son as novidades mais significativas?*

- Non tributan as herdanzas recibidas por descendentes e adoptadas/os, cónxuxes, ascendentes e adoptantes cunha base imponible inferior a 125.000 € por herdeiro.

- Favorécense as transmisións hereditarias e doazóns entre familiares, outorgando importantes reducións canto mais próximo sexa o parentesco (aumentan as reducións das/os fillas/os ata 25 anos) e as reducións en función da discapacidade do adquirente.
- Favorecese a transmisión de determinados bens como:
  1. Empresas individuais, negocios profesionais, participacións en entidades ou explotacións agrarias (a redución pode acadar o 99% do seu valor)
  2. Predios rústicos incluídos na Rede galega de espazos protexidos (a redución pode acadar o 95% do seu valor)
  3. Vivenda habitual (a redución establece en función do valor real do inmovible, acadando o 100%, cun límite de 600.000€, cando a adquisición corresponda ao cónxuxe. No caso de doazóns de diñeiro, que non superen os 60.000 €, a fillas/os menores de 35 anos e/ou mulleres vítimas de violencia de xénero, para a adquisición da súa vivenda habitual pode acadarse unha redución do 95%).

**Atención e asesoramento**

<http://www.conselleriadefacenda.es/web/portal/introduccion-area-tributos>

## C. IMPOSTO SOBRE TRANSMISIÓNS PATRIMONIAIS E ACTOS XURÍDICOS DOCUMENTADOS

A. Aplicación de tipos impositivos reducidos para contribuíntes afectados por unha discapacidade.

**Que é?**

No caso do Imposto sobre transmisións patrimoniais onerosas, o tipo de gravame aplicable ás transmisións de inmovibles que vaian constituír a vivenda habitual do contribuínte, cando esta sexa unha persoa con discapacidade física, psíquica ou sensorial cun grao igual ou superior ao 65%, será do 4% fronte ao normal que é o 7%.

No caso de que a vivenda fose adquirida por varias persoas, o tipo aplicarase exclusivamente á parte proporcional que corresponda á persoa contribuínte con discapacidade. O concepto de vivenda habitual será o contemplado na normativa reguladora do IRPF.

**B. Aplicación de tipos impositivos reducidos para menores de 36 anos e familias numerosas.**

***Que é?***

A Lei 4/2009, do 20 de outubro, de medidas tributarias relativas ao imposto sobre transmisións patrimoniais e actos xurídicos documentados para o fomento do acceso á vivenda e á sucesión empresarial, establece unha redución dos tipos de gravame para as familias numerosas e os menores de 36 anos (ata o 31 de decembro de 2011), e sempre que cumpran uns límites establecidos de patrimonio.

Estas reducións son:

- No caso do imposto sobre transmisións patrimoniais onerosas, o tipo de gravame aplicable ás transmisións de inmobles que vaian constituír a vivenda habitual do contribuínte será do 4% fronte ao 7% actual,
- No imposto sobre actos xurídicos documentados, na súa modalidade de documentos notariais, o tipo de gravame para as primeiras copias de escrituras que documenten unha adquisición de vivenda habitual será do 0,3% fronte ao 0,75% actual.
- No imposto sobre transmisións patrimoniais onerosas o tipo de gravame aplicable ás transmisións de inmobles dun patrimonio empresarial, que resulten non suxeitas ao IVE, será do 4%, ata o 31 de decembro de 2011.

***Atención e asesoramento***

<http://www.conselleriadefacenda.es/web/porta1/introduccion-area-tributos>